

ҚАЗАҚСТАН ҰЛТТЫҚ БАНКІНІҢ МАКРОЭКОНОМИКАЛЫҚ ПІКІРТЕРІМ НӘТИЖЕЛЕРІ

Сауалнама жүргізу күндері: 2023 жылғы 2-10 мамыр

Респонденттердің саны: 11

(AERC, Halyk Finance, Jusan Invest, NAC Analytica, Азия Даму Банкі, АҚПА, Еуразиялық даму банкі, Экономикалық зерттеулер институты, Ренессанс Капитал, Сентрас Секьюритиз, Фридом Финанс)

Пікіртерім нәтижелері (респонденттердің болжамдарының медианалық мәні, жақша ішінде алдыңғы болжамдардың медианалық мәндері көрсетілген):

Көрсеткіш	2022 (факт)	2023	2024	2025
Brent маркалы мұнай бағасы бір баррель үшін АҚШ долл., жылына орта есеппен	99,1	82,4 (83,1)	78,7 (80,0)	73,0 (80,0)
ЖІӨ %, ж/ж	3,3*	4,0 (3,7)	4,0 (4,0)	4,0 (4,0)
ТБИ %, желт. өткен жылғы желт.	20,3	11,8 (12,2)	8,4 (8,8)	7,2 (7,2)
Базалық мөлшерлеме жылдық %, жылына орта есеппен	13,9	16,2 (15,7)	13,0 (11,7)	9,5 (9,0)
Тауарлар мен қызметтер экспорты жылына млрд АҚШ долл.	94,1	85,3 (89,3)	86,4 (93,0)	90,7 (90,7)
Тауарлар мен қызметтер импорты жылына млрд АҚШ долл.	59,2	59,6 (59,5)	61,0 (60,7)	61,4 (60,0)
USD/KZT бағамы жылына орта есеппен	460,5	462,3 (472,0)	487,8 (496,0)	510,0 (516,0)
Бейтарап базалық мөлшерлеме Жылдық %**	9,0 (8,5)			
ЖІӨ-нің ұзақ мерзімді өсуі %, ж/ж***	4,0 (3,9)			

МҰНАЙ БАҒАСЫ. Ағымдағы жылдың мамыр айында сарапшылар мұнай бағасы бойынша сценарий шарттарын барлық болжам кезеңдерінде төмендеу жағына қарай қайта қарастырды. Осылайша, 2023 жылға арналған мұнайдың орташа бағасының медианалық мәні баррель үшін 83,1 АҚШ долларынан **82,4** АҚШ долларына дейін төмендеді, 2024 жылға - баррель үшін 80 АҚШ долларынан **78,7** АҚШ долларына дейін, 2025 жылға - баррель үшін 80 АҚШ долларынан **73** АҚШ долларына дейін.

ЖІӨ. Респонденттердің 2023 жылға Қазақстан экономикасының өсуі бойынша болжамдары 3,7%-дан **4%-ға** дейін жақсартылды. Алдағы екі жылда ЖІӨ өсімі **4%** деңгейінде сақталуы күтілуде және бұл сарапшылардың әлеуетті ЖІӨ-нің ұзақ мерзімді өсуі бойынша күтулерімен сәйкес келеді.

* ҚР СЖЖРА ҰСБ алдын ала бағалауы

**Ақша-кредит саясаты ұзақ мерзімді кезеңде инфляцияны және инфляциялық күтулерді мақсаттар мен ЖІӨ-дегі әлеуетті деңгейде қолдайтын базалық мөлшерлеме деңгейі

***5 жыл шегінде күтілетін әлеуетті ЖІӨ-нің орташа өсу қарқыны

ТБИ. Алдыңғы кезеңмен салыстырғанда сарапшылар 2023 және 2024 жылдарға арналған инфляция бойынша болжамдарын біршама жақсартты. Осылайша, ағымдағы жылдың желтоқсанында жылдық инфляция **11,8%** (бұдан бұрын – 12,2%), 2024 жылдың соңында – **8,4%** (8,8%) деңгейінде күтілуде. 2025 жылға арналған болжам **7,2%** деңгейінде өзгеріссіз қалуда.

БАЗАЛЫҚ МӨЛШЕРЛЕМЕ. Өткен кезеңмен салыстырғанда респонденттер базалық мөлшерлемені барлық болжам кезеңдерінде жоғарырақ деңгейде күтуде. Осылайша, 2023 жылға арналған болжам жылына орта есеппен 15,7%-дан **16,2%**-ға дейін, 2024 жылға – 11,7%-дан **13%**-ға дейін, 2025 жылға – 9%-дан **9,5%**-ға дейін көтерілген. Ақша-кредит саясаты комитетінің алдағы отырысында сарапшылар **базалық мөлшерлеменің 16,75% деңгейінде сақталуын күтуде.**

ТАУАРЛАР МЕН ҚЫЗМЕТТЕР ЭКСПОРТЫ. Респонденттер 2023 жылға арналған тауарлар мен қызметтер экспортының көлемі бойынша болжамдарын 89,3-тен **85,3** млрд АҚШ долларына дейін, 2024 жылға – 93-тен **86,4** млрд АҚШ долларға дейін нашарлатқан. 2025 жылға болжам **90,7** млрд АҚШ доллары деңгейінде сақталды.

ТАУАРЛАР МЕН ҚЫЗМЕТТЕР ИМПОРТЫ. 2023 және 2024 жылдарға арналған тауарлар мен қызметтер импортының көлемі бойынша респонденттердің болжамдары айтарлықтай өзгеріске ұшырамаған. Осылайша, 2023 жылы импорт көлемі **59,6** млрд АҚШ долл. (бұдан бұрын – 59,5 млрд АҚШ долл.), ал 2024 жылы – **61** млрд АҚШ долл. (60,7 млрд АҚШ долл.) деңгейінде күтілуде. 2025 жылы респонденттердің күтуі бойынша тауарлар мен қызметтердің импорты **61,4** млрд АҚШ долларын (60 млрд АҚШ долл.) құрайды.

USD/KZT БАҒАМЫ. Теңгенің айырбас бағамы бойынша талдаушылардың күтулері барлық болжам кезеңдерінде жақсарып келеді. Осылайша, 2023 жылға арналған болжамға сәйкес теңгенің айырбас құны бір АҚШ доллары үшін 472 теңгеден **462,3** теңгеге дейін, 2024 жылға – бір АҚШ доллары үшін 496 теңгеден **487,8** теңгеге дейін және 2025 жылға – бір АҚШ доллары үшін 516 теңгеден **510** теңгеге дейін жақсарған.

БЕЙТАРАП БАЗАЛЫҚ МӨЛШЕРЛЕМЕ. Ақша-кредит саясаты ұзақ мерзімді кезеңде инфляцияны және инфляциялық күтулерді мақсаттар мен ЖІӨ-дегі әлеуетті деңгейде қолдайтын базалық мөлшерлемені респонденттер алдыңғы 8,5% деңгейіндегі болжамға қарағанда **9%** деңгейінде бағалайды.

ЖІӨ-НІҢ ҰЗАҚ МЕРЗІМДІ ӨСУІ. Сарапшылар әлеуетті ЖІӨ-нің орташа өсу қарқынын 5 жылдың шегінде алдыңғы 3,9% болжамға қарағанда **4%** деңгейінде күтуде.

Көпшілік макрокөрсеткіштер бойынша **болжам ауқымы** кеңейтілген қалыпта қалуда. Мұнай бағасы бойынша болжамдар ауқымы біршама тарылуға қарамастан, мұнай нарығының даму болашағының белгісіздігін білдіре отырып, жеткілікті кең болып қалуда. Тауарлар мен қызметтердің экспорты мен импортының көлемі бойынша болжамдар бүкіл болжамды кезеңде әр бағытты болып сақталуда. Ал инфляция мен базалық мөлшерлеменің болжамды ауқымдарының айтарлықтай тарылуы байқалады.